

1 enformaziuns y termins

Pelegrinaje: l'uniun dles porsones vedoes y sores dla Val Badia envieia en jöbia ai 1 de jügn a n pelegrinaje a Sarnthein. Le bus peia ia da La Pli ales 7:30, da Al Plan ales 7:45 y da Longega ales 8:00; ales 11:00 gnarál zebré tla dljia da Sarnthein na santa messa. Iade, marena y picia marena costa 40,00 €. Al é da s'anunzié dan dai 28 de ma pa Maria de Ierghete, ☎ 0474 501322.

Domisdé de spiritualité en sabeda, ai 27 de ma, dales 15:00 ales 17:00, a Bornech tla dljia di Capuzineri y en domegna, ai 28 de ma, dales 16:00 ales 18:00, tla dljia da Oies. Al ven tigní n domisdé con adoraziun eucaristica, poscibilité da se confessé, santa messa y benedisciun con fr. Gabriel Hüger y so fre primiziant. Düc é enviés.

Comune de Mareo: al ven tut sö en/na stüdent/a por n practicum formatif y de orientamont tai i ufizi dal Comun dai 01.07.2017 ai 31.08.2017. Les domandes mess gní scrites fora sön la modulistica motüda a disposiziun dal Comun (ufize personal o descariada jö dla plata internet dal Comun sot ala usc "Digitale Amtstafel - Allgemeine Dokumente" y mess gní dades jö anter les 12:00 dai 31 de ma. Por enformaziuns plü avisa, ☎ 0474 503753.

Udienza dal Zenter Consumadusc, con Katrin Baur, tal Raiun Sozial a Picolin: vigne secunda y quarta jöbia dal mens dales 9:00 ales 12:00. Enformaziuns y prenotaziun, ☎ 0474 524517.

De Internazional tal Museum Ladin en domegna ai 21 de ma, con deplü iniizatives; l'entrada é debann. Tal ciastel de Tor vegnel pité de vigne sort de strinec, tirenn ete gragn y pici. Les representaziuns é ales 14:30 y ales 16:30. Le Museum é davert dales 14:00 ales 18:00. Da odei é ince la mostra dla Trienala Ladina. Tal Museum Ladin a San Ciascian respogn n paleontologh ales domandes sora corec, an pó porté da ciasa peres y le geolog spliga de ci sort ch'al se trata. Le Museum é davert dales 10:00 ales 18:00 y les encuntades é ales 11:00, 14:30 y 16:00. Düc é enviés.

EEVE: le patronat dal sindacat SGB-Cisl ven te Raiun Sozial a Picolin por pité ala jont la poscibilité da lascé fá debann la "EEVE" co ven adorada por deplü sorts de domandes do contribuc y alisraziuns. La porsona de referimont é vigne secundo y cuarto dedolönesc dales 15:00 ales 17:00 tla 3ª alzada dal Raiun Sozial a Picolin; al ne vá nia debojügn damané do n termin. Por informaziuns, ☎ 0474 375200.

Ocio: en dedolönesc ai 23 de ma vegnel fat na prozesciun da Salaronz a Sares y porchel romagn la **strada slüta** dales 18:00 ales 21:00.

Döt le bun a:	Oliva Feichter Bridi	21.05.1921
	Giuliana Ellemunter ved. Maffei, Savignano	22.05.1936
	Anna Erardi, Pietra Ligure	23.05.1925
	Anna Daverda Rindler	23.05.1932
	Anna Trebo Niederkofler, Antholz	23.05.1942
	Rita Trebo Becker, Birgitts	24.05.1930
	Jan Rindler	24.05.1932
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina al dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata d'la Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA
www.unitepastorala.org

Ann A

21.05.2017 - Sesta domegna de Pasca

n. 26

L'Anima dla dljia é le Spirit Sant

☞ St.Ap 8, 5–8.14–17 | 1 Pire 3, 15–18 | Jan 14, 15–21

Dal Vangelo do San Jan:

Te chel tomp á Gejú dit a sü discepu: ¹⁵Sc'i m'oreis bun, se tignareise a mi comandamonc, ¹⁶y iu periará le Pere, y el ves dará en n'ater paraclét, co dess resté pa os por dagnora. ¹⁷Al é le Spirit dla verité, che le monn ne pó nia ciagé, deache el ne le veiga nia y ne le conesc nia. Os endere le conescis, ciodich'al stá pa os y sará te os. ¹⁸I ne ves lasciará nia endô desco órfanns, mo i vegni endô da os. ¹⁹Ma ciamó püch tomp, y le monn ne mo veiga nia plü; mo os m'odeis, deach'i viri y ince os viareis. ²⁰En chel de conesciareise: lu sun te mio Pere, os seis te me, y iu sun te os. ²¹Chel co tól sö mi comandamonc y se ten a d'ei, chel m'ò bun; a chel co m'ò bun, ti vegnel orü bun da mio Pere, y ince iu ti orará bun y a chel mo darái da conesce.

I ponsun do

Val' iade minunse ch'i se fajesson plü sauri da creie sce Geju foss present pa nos desco porsona. Mo ince porsones co l'á encunté dertan söa vita sön cösta tera n'á nia ciagé le tru dla fede. Ci co nes deida creie é le sostegn che Gejú nes dá: nos án so Spirit y so amur. Chel co va le tru de so amur, romagn uní a El y sontiará entres danö la forza de so Spirit.

I periu

Beldio le Spirit de to Fi rosserí ô porté comunité. Dasse tres la presenza dal Signur la forza da fá dal ben y da romagne unís a te y a nosc proscim. Por Crist, nosc Signur.

Wilhelm Egger "Sonntagsbibel"

☞ Letöres dla Gran festa d'Ascensiu dal Signur - Palsacrusc:
St.Ap 1, 1–11 | Ef 1, 17–23 | Ebr 9, 24–28; 10, 19–23 | Mt 28, 16–20



*Iu periará le Pere,
y el ves dará
en n'ater paraclét
co dess resté pa os
por dagnora.*

(Jan 14, 16)

Edema liturgica dai 21.05. ai 28.05.2017

DOM 21.	Sesta domegna de Pasca FESTA DLA CONFERMAZIUN	<i>Hermann Josef, Christophorus Magallanes y compagns</i>
► 08:15	gran messa por dōta la ploania	<i>oferta por i debojūgns dla ploania</i>
► 09:30	a Al Plan, salūde y ingres dal Hotel "Sole" demez te dlīja gran messa en onú dal Spirit Sant por crejimandi, toc y families y aministrazion dal Sacramont dla Confermaziun con le degan dal dom da Porsenú Sig. Ulrich Fistill	
Lön 22.	<i>Rita da Cascia, Renata, Julia</i>	
► 19:30	corona por les families con l'Union dles Eres 🎵 <i>Scora de Musiga</i>	
Ded 23.	<i>Berto, Desider</i>	
07:30	s.m. de ringraziamont dla fam. de Pasquale y Monica Pedevilla s.m. por + Josef Kosta, Framacia	
Dem 24.	<i>de mondial d'oraziun por la dlīja tla Cina Ester, Dagmar</i>	
18:00	<i>s.m. a Al Plan</i>	
Jöb 25.	<i>dles Crusc Beda, Gregor VII., Maria Magdalena da Pazzi</i>	
► 06:00	prozesciun fora Sares danló s.m. do intenziun en onú de Santa Maria s.m. por + Anastasia Terza, André s.m. en unú de Santa Maria por +ti Palfrader, Pre s.m. d'aniversar por + Elena Rigo, Roder	
Ven 26.	<i>dles Crusc Filip Neri, Maria Anna</i>	
► 19:30	prozesciun fora Pliscia , danló Zelebraziun dla Parora de Dio	
Sab 27.	<i>dles Crusc Augustin da Canterbury, Bruno</i>	
► 6:30 ca.	rōa adalerch la prozesciun da Valsperch s.m. ad intenziun y de ringraziamont	
► 09:00	rōa adalerch les prozesciuns dla bassa Val Badia s.m. en onú de Santa Maria y de ringraziamont s.m. por +tes de Berto, Al Plan	
DOM 28.	GRAN FESTA DL'ASCENSIUN DAL SIGNUR PALSACRUSC	<i>German, Wilhelm</i>
08:30	gran messa ciantada por dōta la ploania <i>oferta por i debojūgns dla ploania</i>	
10:00	<i>s.m. a Al Plan</i>	
<i>ampola:</i>	por chi d'André	
<i>ministronc:</i>	► da doman y domegna: Nadia Trebo y Filip Taibon ► da sera y domegna: Paul Comploi y Samuel Rigo	
<i>i recordun:</i>	Elena Rigo	+ 24.05.2014
	Ida Ellecosta ved.Ravagni, Mezzolombardo	+ 27.05.2007
	Frieda Feichter Senoner, Santa Cristina	+ 27.05.2010




Le Sacramont dla Confermaziun

Oraziun por i crejimanc:

Fredesc y sorus, i periun Idio,
Pere onipotent, ch'al menes jö
le Spirit Sant sön chisc cristians jogn,
co é renasciüs tal bato a vita eterna.
Le Spirit Sant i renforzes
con la richeza de söes scincundes
y ti dáí, con sōa unziun,
la someia de Gejú Crist, le Fi de Dio.

Imposiziun dles mans:

Dio onipotent, Pere de nosc Signur
Gejú Crist, tal bato aste delibré chisc
cristians jogn dala colpa de Adam,
y ti as scinché vita nea dal'ega
y dal Spirit Sant.
I te periun, Signur, mena jö sön ei
le Spirit Sant, le paraclet.
Dái le Spirit dla sapionza y d'intelionza,
le Spirit dal consei y d'intelionza,
le Spirit dla conescionza y dla forteza,
le Spirit dla pieté y dal timur de Dio,
por Gejú Crist nosc Signur. Amen
(fora dla zelebraziun)



**Lo Spirito Santo è come un
nostro compagno di strada,
un vero e grande amico
e senza di lui ci è impedito
di conoscere Gesù.
Gesù l'ha detto:
"No, non ti lascio solo,
ti lascio questo".
Gesù ce lo lascia come amico.**

Papa Francesco

*Con il Battesimo e l'Eucaristia,
il sacramento della Confermazione
costituisce l'insieme dei
«sacramenti dell'iniziazione
cristiana», la cui unità deve essere
salvaguardata. Bisogna dunque
spiegare ai fedeli che la recezione
di questo sacramento è necessaria
per il rafforzamento della grazia
battesimale.
Infatti, «con il sacramento della
Confermazione [i battezzati]
vengono vincolati più perfettamente
alla Chiesa, sono arricchiti di una
speciale forza dallo Spirito Santo,
e in questo modo sono più
strettamente obbligati a diffondere
e a difendere con la parola
e con l'opera la fede
come veri testimoni di Cristo».*

Catechismo della Chiesa Cattolica



Vita de ploania y de paisc

- **Prozesciun da Valsperch:** te so pelegrinaje a La Pli, en sabeda ai 27 de ma, gnará i fedei da Valsperch acompagnés dal **cardinal Odilo Pedro Scherer**, arcivesco de São Paul (Brasil). Cösc é ince por nos en gran onur y porchel na gauja emplü da tó pert ala santa messa y fá comunité con chi da Valsperch.
- **Domegna dles families:** en la Festa dla SS. Trinité, ai 11 de jügn, ince "Domegna dla familia" él mituns y mitans co ciantará pla la messa. Geniturs s'á motü a disposiziun da fá val proa con chi co á enteres da cianté empara: la prōma sará en vendres, ai 26 de ma, do scora (ca. en n'ora). Düc é bel enviés.